

NATIONAL COUNCIL FOR SPECIAL EDUCATION

AN CHOMHAIRLE NÁISIÚNTA UM OIDEACHAS SPEISIALTA

Tuarascáil agus Ráitis Airgeadais

Don bhliain dar críoch 31 Nollaig 2014

An Chomhairle Náisiúnta um Oideachas Speisialta

Tuarascáil agus Ráitis Airgeadais

CLÁR ÁBHAR

LEATHANACH

EOLAS	2
TUARASCÁIL AN ARD-REACHTAIRE CUNTAS AGUS CISTE	3 – 4
RÁITEAS UM FHREAGRACHTAÍ NA COMHAIRLE	5
RÁITEAS UM RIALÁIL AIRGEADAIS INMHEÁNACH	6 – 7
RÁITEAS UM BEARTAIS CHUNTASAÍOCHTA	8
CUNTAS IONCAIM AGUS CAITEACHAIS	9
AN CLÁR COMHARDAITHE	10
RÁITEAS UM SHREABHADH AIRGID	11
NÓTAÍ LEIS NA RÁITIS AIRGEADAIS	12 - 16

An Chomhairle Náisiúnta um Oideachas Speisialta

Eolas

Baill Chomhairle na Comhairle Náisiúnta um Oideachas Speisialta arna gceapadh ar feadh téarma trí bliana go dtí an 31 Nollaig 2015:

Eamon Stack (Cathaoirleach)

Pat Kinsella (Leas-Chathaoirleach)

Maureen Costello Uas.

Mick Coughlan¹

An tOll. Sheelagh Drudy

Jenny Ennis Uas.

Eithne Fitzgerald Uas.

Mary Friel Uas.

Helen Guinan Uas.

An tUas. Johnny Murphy

An tUas. Phillip O'Callaghan

An tUas. James O'Grady

An tUas. Tom O'Sullivan (ceaptha Deireadh Fómhair 2014)²

Joan Russell Uas.

Príomhfheidhmeannach:

Teresa Griffin Uas.

¹Cailleadh an tUas. Coghlan tar éis breoiteachta tromchúisí agus ní raibh ar a chumas freastal ar chruinnithe den Chomhairle in 2014

²Leanfaidh téarma ceapacháin an Uas. O'Sullivan go deireadh Mhí na Nollag 2015

An Chomhairle Náisiúnta um Oideachas Speisialta

Tuairisc an Ard-Reachtair Cuntas agus Ciste



An Chomhairle Náisiúnta um Oideachas Speisialta

Tá iniúchadh déanta agam ar ráitis airgeadais na Comhairle Náisiúnta um Oideachas Speisialta don bhliain dar críoch 31 Nollaig 2014 faoin Acht um Oideachais do dhaoine a bhfuil Riachtanais Speisialta orthu 2004. Tá na ráitis airgeadais, a ullmhaíodh faoi na beartais chuntasaíochta arna leagan amach ann, comhdhéanta de na beartais chuntasaíochta, den chuntas ioncaim agus caiteachais, den chlár comhardaithe, den ráiteas um shreabhadh airgid agus de na nótaí a bhaineann leo. Is é Alt 29 den Acht agus an cleachtas cuntasaíochta a nglactar leis go coitianta in Éirinn an creatlach tuairisce airgeadais ar baineadh feidhm aisti agus na ráitis á n-ullmhú.

Cúraimí Baill na Comhairle

Is í an Chomhairle atá freagrach as ullmhú na ráiteas airgeadais, as a chinntiú go dtugtar léargas fíor cothrom iontu ar ghnóthaí na Comhairle agus ar a hioncam agus a caiteachas, agus as rialtacht na n-idirbheart a chinntiú.

Cúraimí an Ard-Reachtair Cuntas agus Ciste

Is í an cúram atá ormsa ná iniúchadh a dhéanamh ar na ráitis airgeadais agus tuairisciú orthu i gcomhréir leis an dlí is infheidhme.

Déantar m'iniúchadh trí thagairt do na cúinsí speisialta a ghabhann leis na comhlachtaí Stáit i ndáil lena mbainistiú agus lena bhfeidhmiú.

Déantar m'iniúchadh i gcomhréir leis na Caighdeán Idirnáisiúnta don Iniúcháireacht (An Ríocht Aontaithe agus Éire) agus de réir na gCaighdeán Eiticíúil d'Iniúcháirí de chuid an Bhoird um Chleachtais Iniúcháireachta.

Raon an iniúchta ar na ráitis airgeadais

Is é a ghabhann le hiniúchadh ná fianaise a fháil i leith na suimeanna agus na nithe a nochtar sna ráitis airgeadais, ar leor í chun ráthaíocht réasúnach a thabhairt nach bhfuil aon mhíráiteas nithiúil sna ráitis airgeadais, bíodh sé trí chalaos nó trí earráid. Áirítear leis sin measúnú

- an iomchuí iad na beartais chuntasaíochta d'imthosca na Comhairle, agus ar cuireadh i ngníomh iad go comhsheasmhach agus ar nochtadh go hiomchuí iad
- réasúnacht na meastachán cuntasaíochta mór a rinneadh agus na ráitis airgeadais á n-ullmhú, agus

- cur i láthair foriomlán na ráiteas airgeadais féin.

Ina theannta sin féachaimse le fianaise a fháil faoi rialtacht na n-idirbheart airgeadais i gcaitheamh iniúchta.

Tuairim i leith na Ráiteas Airgeadais

Is é mo thuairim go dtugtar léargas fíorcheart sna ráitis airgeadais, a ullmhaíodh i gcomhréir leis an gCleachtas Cuntasaíochta a nGlactar leis go Coitianta in Éirinn, ar chúrsaí na Comhairle an 31 Nollaig 2014 agus ar a hioncam agus ar a caiteachas sa bhliain 2014.

Is é mo thuairim go bhfuil leabhair chuntais chuí coinnithe ag an gComhairle. Tá na ráitis airgeadais ag teacht leis na leabhair cuntais.

Cúrsaí ar a dtuairiscimse trí eisceacht

Tuairiscimse trí eisceacht mura

- bhfuair mé gach eolas agus míniú a theastaigh uaim do m'iniúchadh, nó
- gur tugadh faoi deara i m'iniúchadhsa aon ásc nithiúil nár cuireadh airgid chun feidhme chun na gcríoch a bhí ceaptha dóibh ná nár chomhail na hidirbhearta leis na húdaráis a rialáionn iad, ná
- nach léirítear sa ráiteas um rialáil airgeadais inmheánach gur chomhail an Chomhairle an Cód Cleachtais do Rialachas na gComhlachtaí Stáit, nó
- má fhaighimse aon chás nithiúil eile i ndáil leis an mbealach ina ndearnadh gnó poiblí.

Níl aon ní le tuairisciú agam maidir leis na cúrsaí ar a dtuairiscítear trí eisceacht.

Colette Drinan

Ar son agus thar ceann

An tArd-Reachtair Cuntas agus Ciste

Meitheamh 2015

An Chomhairle Náisiúnta um Oideachas Speisialta

Ráiteas um Fhreagrachtaí na Comhairle

Bunaíodh an Chomhairle Náisiúnta um Oideachas Speisialta (NCSE) faoin Acht um Oideachas do Dhaoine a bhfuil Riachtanais Speisialta orthu 2004 agus foráiltear san Acht sin go gcoinneoidh an NCSE leabhair chuntais chuí i leith gach ioncaim agus caiteachais de chuid na NCSE, agus i leith foinsí an ioncaim dá shórt agus ábhar an chaiteachais sin, agus i leith maoinne, creidmheasanna agus dliteanais na NCSE. Agus na ráitis airgeadais seo á n-ullmhú de réir barrchleachtais ní mór don Chomhairle:

- Beartais chuntasaíochta oiriúnacha a roghnú agus iad a chur i bhfeidhm go comhsheasmhach;
- Breithiúnais agus meastacháin réasúnta stuama a dhéanamh;
- Sonrú ar comhalladh na caighdeáin chuntasaíochta is infheidhme, faoi réir aon imeacht ábhartha a nochtadh agus a míníodh sna ráitis airgeadais;
- Na ráitis airgeadais a ullmhú ar bhonn an ghnóthais leantaigh mura neamhoiriúnach é a thiomhdiú go leanfaidh an Chomhairle Náisiúnta um Oideachas Speisialta i mbun feidhme.

Is é an Chomhairle atá freagrach leis, as sócmhainní na NCSE a chosaint agus as céimeanna réasúnta a ghlacadh chun an chalaiois agus neamhrialtachtaí eile a chosc agus a bhrath.

Thar ceann na Comhairle:

Eamonn Stack
Cathaoirleach

Teresa Griffin Uas.
Príomhfheidhmeannach

24 Meitheamh 2015

24 Meitheamh 2015

An Chomhairle Náisiúnta um Oideachas Speisialta

Ráiteas um Rialáil Airgeadais Inmheánach

Freagracht as an gCóras um Rialáil Airgeadais Inmheánach

Glacaim freagracht mar chathaoirleach, thar ceann bhaill Chomhairle na Comhairle Náisiúnta um Oideachas Speisialta, as a chinntiú go bhfuil córas éifeachtach rialála airgeadais inmheánaí á chothabháil agus á fheidhmiú.

Ní féidir leis an gcóras ach cinnteacht réasúnta a thabhairt, nach cinnteacht iomlán é, go bhfuil sócmhainní á gcosaint, idirbhearta á n-údarú agus á dtaifeadh i gceart, agus go gcoisctear earráidí ábhartha nó neamhrialtachtaí eile agus go n-aimsítear go tráthúil iad.

Príomhnósanna Rialála

Tá céimeanna glactha ag an gComhairle chun timpeallacht rialaithe chuí a chinntiú:

- trína chinntiú go gcomhallann an NCSE a hoibleagáidí airgeadais faoin Acht
- trí chúraimí an lucht bainistíochta a shainiú go soiléir laistigh de struchtúr eagrúcháin sainithe ina bhfuil leithdheighilt shoiléir déanta ar dhualgais
- trí nósanna imeachta rialála iomchuí a fhorbairt agus a chur chun i bhfeidhm
- trí choistí iomchuí de chuid na Comhairle a bhunú chun béim níos mó a chur ar limistéir ar leith
- trí fheidhm iniúchta inmheánach a bhunú agus
- trí phróisis a bhunú chun priacail ghnó a aithint agus a mheas

Tá an córas rialála airgeadais inmheánaí bunaithe ar chreatlach a bhfuil d'aidhm aici eolas bainistíochta rialta, nósanna imeachta riaracháin (lena n-áirítear leithdheighilt na ndualgas, teorainneacha údarúcháin agus lámhleabhar faisnéisithe um nósanna imeachta), agus córas tarmligthe agus cuntasáíochta a sholáthar. Áirítear leis go sonrath:

- córas buiséadaithe cuimsitheach le buiséad bliantúil aige, arna athbhreithniú agus arna chomhaontú ag an gComhairle sula gcuirtear faoi bhráid na Roinne Oideachais agus Scileanna é;
- buiséad oibriúcháin arna chomhaontú ag an gComhairle agus é bunaithe ar theorainneacha buiséid forordaithe arna socrú ag an Roinn Oideachais agus Scileanna;
- athbhreithniú mionsonraithe ag Feidhmeannacht na Comhairle ar thuarascálacha míosúla agus nuashonraithe ina léirítear feidhmíocht airgeadais os coinne an bhuiséid;
- athbhreithniú rialta ag Feidhmeannacht na Comhairle ar thuiriscí airgeadais agus ar phróimh-tháscairí oibriúcháin agus
- treoirlínte soláthair agus tairisceana atá sainithe go soiléir.

An Chomhairle Náisiúnta um Oideachas Speisialta

Ráiteas um Rialáil Airgeadais Inmheánach

Is é an coiste iniúchta, arna cheapadh ag an gComhairle, a athbhreithníonn na ráitis airgeadais bhliantúla agus a dhéanann maoirseacht ar chur i ngníomh éifeachtach na feidhme iniúchta inmheánaí agus aon saincheist a éiríonn aníos i ndáil leis an iniúchadh seachtrach. Le linn 2014 rinneadh athbhreithniú ar an gcóras um rialáil airgeadais inmheánach. Cuireadh an tuairisc athbhreithnithe faoi bhráid na comhairle iniúchta. Thug sise tuairisc don gComhairle ag an 88^ú cruinniú Mí Mhárta 2015. Chomhaontaigh an Chomhairle gur féidir cinnteacht réasúnta a fháil ó leordhóthanacht na rialúcháin seo.

Cheap an Chomhairle coiste airgeadais leis, a dhéanann athbhreithniú ar ullmhú na ndréachtbhuiséad, ar chur i ngníomh an bhuiséad oibriúcháin comhaontaithe, a scrúdaíonn na cuntais agus a athbhreithníonn na rialúcháin airgeadais. Rinne sé athbhreithniú leis, ar na ráitis airgeadais seo agus chuir a thuairim iúl don gcoiste iniúchóireachta.

Is iad an coiste iniúchta, an fheidhm iniúchta inmheánaigh agus foireann bainistíochta na Feidhmeannachta a mhúnlaíonn an mhonatóireacht agus an t-athbhreithniú a dhéanann an Chomhairle ar éifeachtacht an chórais um rialáil airgeadais inmheánach.

Athbhreithniú Bliantúil ar Rialúcháin

Deimhním i ndáil leis an mbliain dar críoch 31 Nollaig 2014 go ndearna an Chomhairle athbhreithniú ar éifeachtacht an chórais um rialáil airgeadais inmheánach.

Sínithe thar ceann na Comhairle:

Eamonn Stack
Cathaoirleach
An Chomhairle Náisiúnta um Oideachas Speisialta

24 Meitheamh 2015

An Chomhairle Náisiúnta um Oideachas Speisialta

Ráitis um Bheartais Chuntasaíochta

1. Bunús na Cuntasaíochta

Ullmhaítear na ráitis airgeadais ar bhonn fabhrúithe na cuntasaíochta i gcomhréir leis na príonsabail cuntasaíochta a nglactar go coitianta leo agus faoi choinbhinsiún an chostais stairiúil agus comhallann siad na caighdeáin tuairiscithe airgeadais den Bhord um Chaighdeáin Chuntasaíochta.

2. Tréimhse Chuntasaíochta

Clúdaíonn na Ráitis Airgeadais an bhliain ón 1 Eanáir 2014 go dtí an 31 Nollaig 2014.

3. Ioncam

Bunaítear an t-ioncam ar fháltais airgid tirim agus is ionann an t-ioncam agus an tsuim a íochtar go díreach leis an NCSE ón Roinn Oideachais agus Scileanna don bhliain mar dheontas i gcomhréir le hAlt 43 den Acht um Oideachas do Dhaoine a bhfuil Riachtanais Speisialta acu, 2004.

4. Sócmhainní Seasta Inláimhsithe

Sloinntear sócmhainní seasta inláimhsithe ag costas lúide dímheas carntha. Gearrtar dímheas de réir mhéid chothroim ag rátaí a mheastar chun costas na sócmhainní a dhíscríobh thar a saolré mheasta mar seo a leanas:

Troscán & feistis	10 mbliana	Trealamh Ríomhaireachta	5 bliana
Trealamh oifige	5 bliana	Athchóiriú Léasach	19 mbliana
Bogearraí	3 bliana		
Ríomhaireachta			

Leagtar amach beartas na NCSE maidir le soláthar agus diúscairt sócmhainní seasta na NCSE ina Beartas Airgeadais agus ina Lámhleabhar Nósanna Imeachta atá ar aon dul le ciorcláin na Roinne Airgeadais, leis na Nósanna Imeachta Airgeadais Phoiblí agus leis an gCód Cleachtais do Rialachas na gComhlachtaí Stáit.

5. Cuntas Caipítíl

Is ionann an Cuntas Caipítíl agus luach neamh-amúchta an ioncaim as a mbaintear leas chun sócmhainní seasta a airgeadú.

6. Pinsin

Foráiltear in alt 25 (5) den Acht EPSEN gur státseirbhísigh atá i bhfoireann na Comhairle Náisiúnta um Oideachas Speisialta. Is scéimeanna sochair shainithe atá i Scéimeanna Aoisliúntais na Státseirbhíse agus atá neamhchistithe agus arna riaradh ag an Roinn Caiteachais Phoiblí agus Athchóirithe. Ní ghearrtar aon mhuirear sna ráitis airgeadais d'aon dlíteanas a d'fhéadfadh teacht aníos maidir leis na baill foirne seo.

An Chomhairle Náisiúnta um Oideachas Speisialta

Cuntas Ioncaim agus Caiteachais don bhliain dar críoch 31 Nollaig 2014

	Nótaí	2014 €	2013 €
Deontas Stáit	1	7,988,565	8,020,000
Aistriú ó/(chuig) an gCuntas Caipitil	9	95,314	(35,041)
Ioncam eile	2	<u>15</u>	<u>58</u>
		8,083,894	7,985,017
Caiteachas	3	<u>(8,090,762)</u>	<u>(8,050,336)</u>
Easnamh		(6,868)	(65,319)
(Easnamh)/Barrachas amhail an 1 Eanáir		<u>(57,552)</u>	<u>7,767</u>
Easnamh amhail an 31 Nollaig	13	<u>(64,420)</u>	<u>(57,552)</u>

Ní raibh aon ghhnóthachain ná caillteanais aitheanta eile sa bhliain, seachas iad siúd ar pléadh sa Chuntas Ioncaim agus Caiteachais.

Is cuid de na ráitis airgeadais seo an Ráiteas um Beartais Chuntasaíochta agus nótaí 1 chuig 16.

Thar ceann na Comhairle:

Eamonn Stack
Cathaoirleach

Teresa Griffin Uas.
Príomhfheidhmeannach

24 Meitheamh 2015

24 Meitheamh 2015

An Chomhairle Náisiúnta um Oideachas Speisialta

An Clár Comhardaithe amhail an 31 Nollaig 2014

	Nótaí	2014 €	2013 €
SÓCMHAINNÍ SEASTA			
Sócmhainní inláimhsithe	6	481,505	576,819
SÓCMHAINNÍ REATHA			
Feichiúnaithe & Réamhíocaíochtaí	7	65,156	43,849
Airgead ar Láimh		<u>26,743</u>	<u>9,076</u>
Iomlán Sócmhainní Reatha		91,899	52,925
CREIDIÚNAITHE			
Méideanna a bheidh dlite laistigh de bhliain amháin	8	<u>156,319</u>	<u>110,477</u>
GLAN-DLITEANAIS REATHA		(64,420)	(57,552)
Iomlán na Sócmhainní lúide dliteanais reatha		<u>417,085</u>	<u>519,267</u>
ARNA AIRGEADÚ AG			
Easnamh carntha	13	(64,420)	(57,552)
Cuntas Caipitil	9	<u>481,505</u>	<u>576,819</u>
Caipiteal Iomlán		<u>417,085</u>	<u>519,267</u>

Is cuid de na ráitis airgeadais seo an Ráiteas um Beartais Chuntasaíochta agus nótaí 1 chuig 16.

Thar ceann na Comhairle:

Eamonn Stack
Cathaoirleach

Teresa Griffin Uas.
Príomhfheidhmeannach

24 Meitheamh 2015

24 Meitheamh 2015

An Chomhairle Náisiúnta um Oideachas Speisialta

Ráiteas um Shreabhadh Airgid don bhliain dar críoch 31 Nollaig 2014

	Nótaí	2014 €	2013 €
Réiteach an easnamh oibriúcháin le hinsreabhadh airgid ghlan ó ghníomhaíochtaí oibriúcháin			
Easnamh oibriúcháin don bhliain		(6,868)	(65,319)
Dímheas	6	114,000	112,063
Aistriú (ó)/chuig an gCuntas Caipitil (Méadú) / laghdú i bhfeichiúnaithe	9	(95,314)	35,041
Méadú / (laghdú) i gcreidiúnaithe		<u>45,842</u>	<u>(7,637)</u>
Glan-insreabhadh airgid ó ghníomhaíochtaí oibriúcháin		36,353	102,760
Glanchaiteachas Caipitil			
Íocaíochtaí chun sócmhainní seasta inláimhsithe a shealbhú	6	<u>(18,686)</u>	(147,104)
Méadú / (laghdú) ar airgead tirim		<u>17,667</u>	<u>(44,344)</u>
RÉITEACH AN GHLANSREAF A AIRGID LE GLUAISEACHT SNA GLANCHISTÍ			
Glanhistí ag 1 Eanáir		9,076	53,420
Glanhistí ag 31 Nollaig		<u>26,743</u>	<u>9,076</u>
Méadú / (laghdú) ar airgead tirim		<u>17,667</u>	<u>(44,344)</u>

Is cuid de na ráitis airgeadais seo an Ráiteas um Beartais Chuntasaíochta agus nótaí 1 chuig 16.

Thar ceann na Comhairle:

Eamonn Stack
Cathaoirleach

Teresa Griffin Uas.
Príomhfheidhmeannach

24 Meitheamh 2015

24 Meitheamh 2015

An Chomhairle Náisiúnta um Oideachas Speisialta

Nótaí (mar chuid de na ráitis airgeadais)

1.	IONCAM	2014	2013
		€	€
	Chuir an Roinn Oideachais agus Scileanna na cistí seo a leanas ar fáil don Chomhairle:		
	Deontas don Chomhairle (Vóta 26 – Focheanlíne: A11.5 Pá & Neamhphá)	<u>7,988,565</u>	<u>8,020,000</u>
2.	IONCAM EILE	2014	2013
		€	€
	An tSaoráil Faisnéise	15	45
	Táillí maidir le Cosaint Sonraí	-	<u>13</u>
		<u>15</u>	<u>58</u>
3.	CAITEACHAS	2014	2013
		€	€
	Clóbhualadh, postas agus stáiseanóireacht	158,332	116,841
	Cíos agus Rátaí	357,940	374,119
	Guthán	144,686	200,954
	Solas agus Teas	54,195	49,066
	Deisiúcháin agus Cothabháil	95,203	89,786
	Oiliúint agus Forbairt	44,435	27,899
	Caiteachais taistil agus cothabhála	251,780	229,556
	Caiteachas ar chruinnithe	23,864	18,888
	Caiteachas ginearálta	4,681	4,134
	Caiteachas ar thaighde	247,368	249,881
	Caiteachas maidir le TF	248,330	193,045
	Seirbhísí Seachfhoinsithe & Táillí Comhairleoireachta	13,166	14,010
	Táille Iniúchta Inmheánaigh	9,724	15,263
	Táille Iniúchta Sheachtraigh	11,120	11,280
	Táillí Cuntasaíochta	8,528	10,630
	Táillí Dlí	-	855
	Pá agus tuarastail (Nóta 4)	5,829,536	5,860,081
	ÁSPC Fostóra	473,874	471,985
	Dímheas	<u>114,000</u>	<u>112,063</u>
	Caiteachas Iomlán	<u>8,090,762</u>	<u>8,050,336</u>

An Chomhairle Náisiúnta um Oideachas Speisialta

Nótaí (mar chuid de na ráitis airgeadais)

4. PÁ AGUS TUARASTAIL

Tá beartais an Rialtais i ndáil le pá an phríomhfheidhmeannaigh agus gach fostaí de chuid comhlachtaí stáit á chur i bhfeidhm. B'ionann an líon foirne a fostaíodh ag an gComhairle ag deireadh na bliana 2014 agus 97. Bhí 9 Eagraí Riachtanais Speisialta Oideachais Sinsearacha (SSENO), 1 Príomhoifigeach ar Sheirbhísí Áitiúla, 67 Eagraí Riachtanais Speisialta (SENO) agus 20 duine foirne sa Cheannoifig ar an bhfoireann.

B'ionann an caiteachas ar thuarastail na SSENO agus na SENO agus €4,546,553 agus ar thuarastail an líon fhoirne sa Cheannoifig agus €1,282,983, arbh ionann agus €5,829,536 san iomlán iad. Asbhaineadh ranníocaíochtaí aoisliúntais arbh fhiú €259,034 iad ó thuarastail na mbaill foirne agus aisíocadh leis an Roinn Airgeadais iad. Ina theannta sin b'amhlaidh a rinneadh asbhaintí tobhaigh phinsin arbh fhiú €390,312 iad de thuarastail fhoirne, agus aisíocadh leis an Roinn Oideachais agus Scileanna iad.

5. COSTAIS, TÁILLÍ STIÚRTHÓIRÍ AGUS LUACH SAOTHAIR AN PHRÍOMHFHEIDHMEANNAIGH

Níor íocadh aon táille sa bhliain 2014 le baill chomhairle aonair. B'ionann an t-iomlán a íocadh as caiteachas taistil & cothabhála sa bhliain 2014 agus €22,711 (2013: €23,378).

Is Ard-Rúnaí Cúnta de chuid na státseirbhíse atá sa Phríomhfheidhmeannach. B'ionann an tuarastal bliantúil iomlán a íocadh leis an bPríomhfheidhmeannach sa bhliain 2014 agus €130,706 (2013: €133,364). Is ball den scéim aoisliúntais do Státseirbhísigh Bhunaithe é an POF agus ní shíneann na teidlíochtaí pinsin thar teidlíochtaí caighdeánacha na scéime – féach Nóta 6 den Ráiteas NCSE um Bheartais Chuntasaíochta.

6. SÓCMHAINNÍ SEASTA

Costas	Léas Athchóiriú €	Troscán Trealamh €	Oifige €	Ríomhairí Trealamh €	Ríomhairí Bogearraí €	Iomlán €
An 31 Nollaig 2013	610,351	60,979	269,251	612,209	391,215	1,944,005
Breiseanna	-	4,086	1,860	12,740	-	18,686
Diúscairtí	-	-	-	(95,980)	-	(95,980)
An 31 Nollaig 2014	<u>610,351</u>	<u>65,065</u>	<u>271,111</u>	<u>528,969</u>	<u>391,215</u>	<u>1,866,711</u>
Dímheas Carntha						
An 31 Nollaig 2013	289,114	55,237	196,563	475,686	350,586	1,367,186
Muirear don bhliain	32,123	4,439	26,235	34,333	16,870	114,000
Diúscairtí	-	-	-	(95,980)	-	(95,980)
An 31 Nollaig 2014	<u>321,237</u>	<u>59,676</u>	<u>222,798</u>	<u>414,039</u>	<u>367,456</u>	<u>1,385,206</u>
Glanluach na Leabhar						
An 31 Nollaig 2013	<u>321,237</u>	<u>5,742</u>	<u>72,688</u>	<u>136,523</u>	<u>40,629</u>	<u>576,819</u>
An 31 Nollaig 2014	<u>289,114</u>	<u>5,389</u>	<u>48,313</u>	<u>114,930</u>	<u>23,759</u>	<u>481,505</u>

An Chomhairle Náisiúnta um Oideachas Speisialta

Nótaí (mar chuid de na ráitis airgeadais)

7. FEICHIÚNAITHE AGUS RÉAMHÍOCAÍOCHTAÍ	2014	2013
	€	€
Réamhíocaíochtaí	56,262	28,255
Feichiúnaithe	8,536	14,818
Asbhaintí Párolla eile	<u>358</u>	<u>776</u>
	<u>65,156</u>	<u>43,849</u>

8. CREIDIÚNAITHE	2014	2013
	€	€
Creidiúnaithe is Soláthraithe	7,042	14,323
CBL Iníoctha	6,512	461
Cáin choinneála m. l. seirbhísí gairmiúla	13,202	-
Fabhruithe	<u>129,563</u>	<u>95,693</u>
	<u>156,319</u>	<u>110,477</u>

9. CUNTAS CAIPITIL	2014	2013
	€	€
Iarmhéid Tosaigh	576,819	541,778
Ioncam a úsáideadh chun Sócmhainní a cheannach	18,686	147,104
Amúchadh i gcomhréir le dímheas sócmhainne	<u>(114,000)</u>	<u>112,063</u>
Aistriú (chuig)/ ón gCuntas Ioncaim agus Caiteachais	(95,314)	35,041
Iarmhéid Deiridh	<u>481,505</u>	<u>576,819</u>

An Chomhairle Náisiúnta um Oideachas Speisialta

Nótaí (mar chuid de na ráitis airgeadais)

10. LÉASANNA OIBRIÚCHÁIN

Oibríonn an NCSE gréasán 33 oifig ar fud an Stáit, lena n-áirítear a Ceannteathrú i mBaile Átha Troim, Contae na Mí. Is ar cíós a fhaightear formhór na n-oifigí ó aonáin atá á gcistiú ag an Rialtas. Oibrítear sé cinn d'oifigí trí chomhaontuithe léasa* idir an NCSE agus comhlachtaí tráchtála.

Tá comhaontuithe ligin ag an NCSE le 4 chomhlacht tráchtála:

- Léas 1 ar feadh 4 bliana 9 mí dulta in éag i mí Feabhra 2013; ach tá an chóiríocht ar cíós faoi láthair ar bhonn mí go mí le linn cóiríocht eile a bheith á foinsiú
- Léas 2 ar feadh 4 bliana 9 mí ón Aibreán 2010
- Léas 3 ar feadh 1 bhliana ón Iúil 2014
- Léas 4 ar feadh 4 bliana 11 mí ón 1 Eanáir 2011

Is ionann an chíós bhliantúil a ghearrtar ar an gCuntas Ioncaim & Caiteachais i leith na gcomhaontuithe léasa seo agus €36,614. Tá na gealltanais bhliantúla seo a leanas ag an NCSE faoi na léasanna oibriúcháin a rachaidh in éag

	2014	2013
	€	€
laistigh de bhliain amháin	29,273	10,078
le linn na mblianta 2 agus 5	-	16,638
ag dul in éag dá éis sin	-	-

*Ní thagann na comhaontuithe seo faoi réir athbheithnithe cíosa.

11. ÁITREABH

Tá an NCSE ag áitiú áitribh ag 1-2 Sráid an Mhuilinn, Baile Átha Troim, Co. na Mí faoi chomhaontú cíosa le hOifig na nOibreacha Poiblí. Is ar feadh téarma 20 bliain a mhaireann an comhaontú sin, ar cuireadh tús leis sa bhliain 2004. Ina theannta sin is amhlaidh atá comhaontuithe cíosa ag an gComhairle i leith 32 mhaoine eile ag ionaid éagsúla ar fud na tíre. Is ionann an muirear cíós bliantúil iomlán atá san áireamh leis na ráitis airgeadais don bhliain 2014 agus €357,940.

12. DLITEANAS TEAGMHASACH

Níl aon dliteanas teagmhasach ann.

13. SEASAMH MAIDIR LE CISTIÚ

Deontas is ea ioncam an NCSE ón Roinn Oideachais agus Scileanna a chuirtear ar fáil chun freastal ar dhliteanais a thagann in aibíocht le linn na bliana i gcodarsnacht le caiteachas a thabhaítear le linn na bliana. Freastalófar ar an easnamh reatha trí chistiú a thabharfaidh an Roinn Oideachais agus Scileanna don NCSE amach anseo.

An Chomhairle Náisiúnta um Oideachas Speisialta

Nótaí (mar chuid de na ráitis airgeadais)

14. TEAGMHAIS IARCHLÁIR CHOMHARDAITHE

Ní raibh aon theagmhais iarchláir chomhardaithe suntasacha.

15. BAILL NA COMHAIRLE – NOCHTADH LEASA

Ghlac an Chomhairle le nósanna imeachta i gcomhréir le Cód Cleachtais na Roinne Airgeadais do Rialachas na gComhlachtaí Stáit i ndáil le nochtadh leasanna bhaill na Comhairle.

Ní bhfuair Baill den Chomhairle aon fócaíochtaí le linn 2014.

16. FAOMHADH NA RÁITIS AIRGEADAIS

D'fhaomh an Chomhairle na ráitis airgeadais an 25 Márta 2015.: